

Broj: 01-11/5-1247-6/2020
Sarajevo, 12.10.2020. godine

Na osnovu člana 64. stav (1) i člana 70. st. (1), (3) i (6) Zakona o javnim nabavkama BiH („Službeni glasnik BiH”, broj 39/14), federalni ministar poljoprivrede, vodoprivrede i šumarstva, d o n o s i

O D L U K U

o izboru najpovoljnijeg ponuđača za pružanje usluge sistematskog pregleda zaposlenika Federalnog ministarstva poljoprivrede, vodoprivrede i šumarstva

I.

Prihvata se preporuka Komisije za javne nabavke i nakon provedenog postupka u skladu sa odredbama Pravilnika o postupku dodjele ugovora o uslugama iz Anexa II. dio B Zakona o javnim nabavkama BiH ugovor za pružanje usluga sistematskog pregleda zaposlenika Federalnog ministarstva poljoprivrede, vodoprivrede i šumarstva dodjeljuje se ponuđaču PZU POLIKLINIKA AGRAM Sarajevo za ponudu broj: 10-09/2020 od 10.09.2020. godine u iznosu od 19.620,00 KM bez PDV-a.

II.

Prijedlog ugovora o pružanju usluga sistematskog pregleda zaposlenika Federalnog ministarstva poljoprivrede, vodoprivrede i šumarstva dostavit će se izabranom ponuđaču iz tačke I. ove odluke u roku od 15 dana od dana okončanja postupka javne nabavke.

III.

Ova Odluka bit će objavljena na službenoj internet stranici Federalnog ministarstva poljoprivrede, vodoprivrede i šumarstva (www.fmpvs.ba) istovremeno s njenim upućivanjem ponuđačima koji su učestvovali u postupku javne nabavke.

IV.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O b r a z l o ž e n j e

Federalno ministarstvo poljoprivrede, vodoprivrede i šumarstva donijelo je Odluku o pokretanju postupka javne nabavke broj: 01-11/5-1247/2020 od 31.08.2020. godine za pružanje usluge sistematskog pregleda zaposlenika Federalnog ministarstva poljoprivrede, vodoprivrede i šumarstva. Procedura javne nabavke provedena je u skladu sa odredbama Pravilnika o postupku dodjele ugovora o uslugama iz Anexa II. dio B Zakona o javnim nabavkama BiH.

Do krajnjeg roka utvrđenog u zahtjevu za dostavu ponuda pristigle su slijedeće ponude ponuđača, i to:

1. PZU POLIKLINIKA AGRAM, u iznosu od 19.620,00 KM bez PDV-a,
2. JU ZAVOD ZA MEDICINU RADA KS, u iznosu od 17.824,00 KM bez PDV-a,

Sve ponude su blagovremeno pristigle.

Komisija za javne nabavke, imenovana Rješenjem, broj: 10-14/5-418/2020 od 04.02.2020. godine, izvršila je pregled i ocjenu ponuda.

Nakon stručnog razmatranja, ocjene i rangiranja dostavljenih ponuda, Komisija za javne nabavke je prema utvrđenim kriterijima, odnosno uslovima koje je svaki ponuđač morao ispunjavati i dokumentaciji koju je bio obavezan dostaviti, utvrdila da je jedino prihvatljiva ponuda ponuđača PZU POLIKLINIKA AGRAM Sarajevo.

Komisija je odbila ponudu ponuđača JU ZAVOD ZA MEDICINU RADA KANTONA SARAJEVO kao neprihvatljivu iz razloga što:

- ponuđač uz svoju Ponudu nije dostavio neophodnu dokumentaciju kojom dokazuje ispunjavanje uslova iz čl. 48. i 50. Zakona o javnim nabavkama, odnosno Potvrde o uredno izvršenim ugovorima, niti je činjenično potkrijepio da iz objektivnih razloga nije mogao dobiti predmetne potvrde, kao niti dostavio dokaz o učinjenim pokušajima. Ponuđač je predao zahtjev za dobijanje navedenih potvrda dan prije isteka roka za dostavu prijave za Poziv za javnu nabavku, što ni u kom slučaju ne može predstavljati objektivan razlog nemogućnosti dobijanja potvrda, a i do dana pregleda pristiglih prijava nije dostavio tražene potvrde.

- ponuđač JU Zavod za medicinu rada Kantona Sarajevo je dostavio Izjavu da će angažovati podugovarača, a nije naveo adresu sjedišta podugovarača niti stručno osoblje tog podugovarača, a uslov je da mjesto izvršenja ljekarskog pregleda bude na jednom mjestu. Na Upit Komisije u vezi naprijed navedenog (Upit poslat mailom) nikad nije zaprimljen odgovor.

U postupku donošenja ove odluke, posebno su cijenjene činjenice da je Komisija za javne nabavke, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

Izabrani ponuđač odabran je primjenjujući utvrđene uslove iz tenderske dokumentacije za predmetnu javnu nabavku, kao i kriterij najniža cijena ponude.

U skladu sa navedenim, na osnovu člana 64. stava (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem Federalnog ministarstva poljoprivrede, vodoprivrede i šumarstva, u roku od 5 (pet) dana od dana prijema ove Odluke i to u pisanoj formi i u dovoljnom broju primjeraka, a koji ne može biti manji od tri.



Dostaviti:

1. Svim ponuđačima u postupku
2. Sektor za finansije i računovodstvo
3. Komisija za javne nabavke
4. Spis predmeta